

**1990 nr. 73 18. maí****Lög um eignarrétt íslenska ríkisins að auðlindum hafsbotnsins<sup>1)</sup>**<sup>1)</sup> Lögum var breytt með l. 110/2024, 8. gr.; breytingin tekur gildi 1. jan. 2025.

**Tóku gildi 31. maí 1990.** Breytt með: L. 82/1998 (tóku gildi 1. okt. 1998). L. 101/2000 (tóku gildi 6. júní 2000). L. 68/2008 (tóku gildi 12. júní 2008). L. 36/2011 (tóku gildi 19. apríl 2011; *EES-samningurinn*: XX. viðauki tilskipun 2000/60/EB, 2006/118/EB, 2008/105/EB, 2009/90/EB). L. 126/2011 (tóku gildi 30. sept. 2011). L. 131/2011 (tóku gildi 1. jan. 2012). L. 10/2012 (tóku gildi 15. febr. 2012). L. 60/2013 (tóku gildi 15. nóv. 2015). L. 88/2018 (tóku gildi 29. júní 2018). L. 79/2024 (tóku gildi 9. júlí 2024). L. 110/2024 (taka gildi 1. jan. 2025 nema 3. mgr. 2. gr. sem tekur gildi 1. jan. 2026; um lagaskil sjá 7. gr. og brákv.).

Ef í lögum þessum er getið um ráðherra eða ráðuneyti án þess að málefna svið sé tilgreint sérstaklega eða til þess vísað, er átt við **umhverfis-, orku- og loftslagsráðherra** eða **umhverfis-, orku- og loftslagsráðuneyti** sem fer með lög þessi.

**■ 1. gr.**

□ Íslenska ríkið er eigandi allra auðlinda á, í eða undir hafsbotninum utan netlaga og svo langt til hafs sem fullveldisréttur Íslands nær samkvæmt lögum, alþjóðasamningum eða samningum við einstök ríki.

□ Hugtakið auðlind samkvæmt lögum þessum tekur til allra ólífrænna og lífrænna auðlinda hafsbotnsins annarra en lifandi vera.

□ [Hugtakið netlög merkir í lögum þessum sjávarbotn 115 metra út frá stórstraumsfjörobörð landareignar.]<sup>1)</sup>

<sup>1)</sup> L. 101/2000, 1. gr.**■ 2. gr.**

□ Enginn má leita að efnum til hagnýtingar á, í eða undir hafsbotninum utan netlaga, sbr. 1. gr., nema að fengnu skriflegu leyfi [Orkustofnunar].<sup>1)</sup> [Varði umsókn um leyfi svæði utan netlaga skal útgefið leyfi samræmast skipulagi á haf- og strandsvæðum. Hafi tillaga að strandsvæðisskipulagi verið auglýst þegar umsókn er lögð fram er Umhverfisstofnun heimilt að fresta afgreiðslu á beiðni þar til strandsvæðisskipulag hefur tekið gildi fyrir viðkomandi svæði. Frestunin skal þó ekki vera lengri en sjö mánuðir nema sérstakar ástæður mæli með því.]<sup>2)</sup>

□ [[Orkustofnun]<sup>3)</sup> er heimilt að veita leyfshafa fyrirheit um forgang að leyfi skv. 3. gr. í allt að tvö ár eftir að gildistíma leyfis til leitar er lokið og um að öðrum aðila verði ekki veitt leyfi til leitar á þeim tíma.]<sup>4)</sup>

<sup>1)</sup> L. 10/2012, 2. gr. <sup>2)</sup> L. 88/2018, 18. gr. <sup>3)</sup> L. 131/2011, 10. gr. <sup>4)</sup> L. 101/2000, 2. gr.**■ 3. gr.**

□ Óheimilt er að taka eða nýta efni af hafsbotni eða úr honum, sbr. 1. gr., nema að fengnu skriflegu leyfi [Orkustofnunar].<sup>1)</sup>

□ [[Orkustofnun]<sup>1)</sup> er heimilt að ákvarða eða semja um endurgjald (leigu) fyrir töku eða nýtingu sem [hún]<sup>2)</sup> heimilar skv. 1. mgr. Tekjum af leyfum skal að jafnaði varið til hafsbotns- og landgrunnsrannsókna samkvæmt nánari ákvörðun ráðherra.]<sup>3)</sup>

<sup>1)</sup> L. 10/2012, 2. gr. <sup>2)</sup> L. 131/2011, 10. gr. <sup>3)</sup> L. 101/2000, 3. gr.**■ 4. gr.**

□ [Leyfi til hagnýtingar efna á, í eða undir hafsbotni skal samræmast skipulagi á haf- og strandsvæðum sé um að ræða svæði utan netlaga. Leyfið skal bundið við ákveðið svæði og gilda til ákveðins tíma sem ekki má vera lengri en 30 ár.]<sup>1)</sup> Í leyfisbréfi skal m.a. ætíð greina hverjar ráðstafanir leyfshafi skuli gera til að forðast mengun og spillingu á lífríki láðs og lagar.

□ [Við veitingu leyfa samkvæmt lögum þessum skal gætt ákvæða laga um mat á umhverfisáhrifum. [Áður en leyfi er

veitt skal leita umsagnar Umhverfisstofnunar og Náttúrufræðistofnunar Íslands.]<sup>2)</sup> [Varði umsókn um leyfi strandsvæði þar sem tillaga að strandsvæðisskipulagi hefur verið auglýst þegar umsókn er lögð fram er Orkustofnun heimilt að fresta afgreiðslu á leyfisumsókn þar til strandsvæðisskipulag hefur tekið gildi fyrir svæðið. Frestunin skal þó ekki vera lengri en sjö mánuðir nema sérstakar ástæður mæli með því.]<sup>3)</sup>

□ [Ef sýnt er fram á með gögnum að umhverfismarkmið, sett á grundvelli laga um stjórn vatnamála, náist ekki er í sérstökum tilvikum heimilt að endurskoða leyfi eða setja ný skilyrði vegna umhverfismarkmiða. Við ákvörðunina skal líta til þess hvaða áhrif breytingin hefur á hagsmuni leyfshafa og til ávinnings og óhagræðis sem hún ylli að öðru leyti.]<sup>4)</sup>

<sup>1)</sup> L. 88/2018, 18. gr. <sup>2)</sup> L. 60/2013, 95. gr. <sup>3)</sup> L. 101/2000, 4. gr. <sup>4)</sup> L. 36/2011, 32. gr.**■ 5. gr.**

□ Með reglugerð<sup>1)</sup> skal [ráðherra]<sup>2)</sup> setja nánari ákvæði um framkvæmd laga þessara, þar á meðal nánari ákvæði um þau leyfi sem um ræðir í 3. og 4. gr.

□ [Í reglugerð skal tilgreina helstu ákvæði sem fram skulu koma í leyfunum, m.a. um tímalengd leyfis, staðarmörk vinnslusvæða, gerð efnis, magn og nýtingarhraða ef um nýtingarleyfi er að ræða, upplýsingaskyldu og skil gagna, öryggis- og umhverfisráðstafanir, eftirlit og greiðslu kostnaðar af eftirliti og leyfisgjald.

□ Í reglugerð skal einnig kveðið á um þau atriði sem umsækjandi skal tiltaka í umsókn um leitar- og rannsóknarleyfi skv. 2. gr. og í umsókn um vinnsluleyfi skv. 3. gr.]<sup>3)</sup>

<sup>1)</sup> Rg. 290/2012. <sup>2)</sup> L. 126/2011, 145. gr. <sup>3)</sup> L. 101/2000, 5. gr.**■ [6. gr.]**

□ [Ákvarðanir Orkustofnunar er lúta að veitingu, endurskoðun og afturköllun leyfa samkvæmt lögum þessum sæta kæru til úrskurðarnefndar umhverfis- og auðlindamála. Um aðild, kærufrest, málsmeðferð og annað er varðar kærana fer samkvæmt lögum um úrskurðarnefndina.

□ Stjórnvaldsákvæðanir Orkustofnunar sem ekki má kæra til úrskurðarnefndar umhverfis- og auðlindamála sæta kæru til ráðherra. Kæra til ráðherra skal vera skrifleg. Um meðferð kæru til ráðherra fer að öðru leyti samkvæmt ákvæðum stjórnisýslulaga.]<sup>1)</sup><sup>2)</sup>

<sup>1)</sup> L. 131/2011, 11. gr. <sup>2)</sup> L. 68/2008, 2. gr.**■ [7. gr.]**

□ Fyrir leyfi sem Orkustofnun veitir á grundvelli 2. og 3. gr. og fyrir eftirlit með skilyrðum leyfa er heimilt að innheimta gjald. Gjaldið má ekki vera hærra en nemur kostnaði við undirbúning, svo sem vegna nauðsynlegrar aðkeyprtar þjónustu, afgreiðslu leyfis og eftirlits með leyfshöfum.

□ Gjald skv. 1. mgr. skal vera í samræmi við gjaldskrá sem ráðherra staðfestir og birt skal í B-deild Stjórnartíðinda. Upphæð gjalda samkvæmt gjaldskrá skal taka mið af kostnaði við þjónustu og framkvæmd einstakra verkefna og skal byggð á rekstraráætlun þar sem þau atriði eru rökstudd sem ákvörðun gjalds byggist á.

□ Gjöld samkvæmt þessari grein eru aðfararhæf án undanengins dóms eða sáttar.]<sup>1)</sup>

<sup>1)</sup> L. 79/2024, 4. gr.**■ [8. gr.]<sup>1)</sup>**

□ Brot á lögum þessum og reglugerðum, settum samkvæmt þeim, varða sektum eða [fangelsi allt að 2 árum],<sup>2)</sup> enda liggi ekki við þyngri refsingar samkvæmt öðrum lögum.

<sup>1)</sup> L. 79/2024, 4. gr. <sup>2)</sup> L. 82/1998, 197. gr.

■ [9. gr.]<sup>1)</sup>

□ Lög þessi öðlast þegar gildi.

<sup>1)</sup> L. 79/2024, 4. gr.

## Ákvæði til bráðabirgða.

## ■ I.

□ Þeir, sem við gildistöku laganna taka efni af eða úr hafs-

botni, skulu innan sex mánaða sækja um leyfi skv. 4. gr.

## ■ [II.

□ Þeir sem hafa leyfi til leitar og hagnýtingar efna á, í eða undir hafsbotni skulu halda þeim í fimm ár frá gildistöku laga þessara.]<sup>1)</sup>

<sup>1)</sup> L. 101/2000, 6. gr.